

Letter 434: 10 February 1531, Darmstadt, Johannes Lindenfels to Capito

The manuscript of this letter is in AST 40, # 22, folio 499. The letter is printed in Fritz Herrmann, "Drei Briefe eines Darmstätter Zwinglianus aus der Zeit Philipps des Grossmütigen," *Archiv für hessische Geschichte und Altertumskunde*, n.s. 9 (1913)142-144.

Pacem et perpetuam foelicitatem a Domino. Venerabilis vir et in Christo frater charissime: obtulit se comode hic vester tabellio, quo emitterem [?] tibi nostras salutes, atque mordacissimi cuiusdam aulae nostrae blatteratoris (concionatoris dixisse debebam) insanias exhiberem, non quod clanculo cuique soleam obtrectare, sed bonum ratus, si modo dignus est, ut amica expostulacione impudentissimo homini os obstruatur, ne ea damnet quorum iudicio non sufficit quaeque minime intelligit. Primum ubi conditionem aulicam nactus, putavit se principi adplausurum si quasi maxime in Zwinglium inveheret. Nunc autem ea facit pertinacia qua fere omnes eius farinae milites insaniant, etiamsi a principe in dies convincatur. Apud principem nullus est et forte iamdudum missus alio, nisi id inconstanciae in re evangelii a Papistis sibi interpretatum iri timuisset. Apud vulgum et suos complices, ita, ut vides, egregius censor est. Hic noster Parrochus syncerus est et pius, cuius apud D. Hedionem multa est necessitas. Si nos dignos haberis responsione, fac, quaeso, ut sciamus quid Mar[tinus] Luth[erus] responderit. Vale perpetuo bene cum omnibus fratribus. 4 Idus Februarii Anno 31. Raptim.

Io. Lyndenfels, paedagogus in Darmstadt